

四庫全書

史部

將

副

周
張
帥

馬
別
部
司

為
副
府
南
營
司
門
下
營
校
尉
吳
備
將
平
越
中
郎
將
都
督
懷
下
營

軍
平
越
中
郎
將
都
督
懷
下
營

鎮
利
將
鎮
城
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

鎮
利
將
都
督

官
副
使

使

使

使

使

使

使

總兵副將

國朝官制

總兵官

正二品

直隸馬蘭鎮泰寧鎮宣化鎮天津鎮正定

鎮各一人山東兗州鎮登州鎮各一人山西太原鎮大

同鎮各一人河南河北鎮南陽鎮各一人江南崇明鎮

狼山鎮壽春鎮各一人江西南昌鎮南贛鎮各一人福

建金門鎮海壇鎮南澳鎮臺灣鎮福寧鎮汀州鎮建寧

鎮漳州鎮各一人浙江黃巖鎮定海鎮温州鎮處州鎮

衢州鎮各一人湖廣襄陽鎮宜昌鎮鎮草鎮永州鎮各
一人四川北鎮重慶鎮建昌鎮松潘鎮各一人陝西
延綏鎮興漢鎮河州鎮各一人甘肅西寧鎮寧夏鎮涼
州鎮巴里坤鎮各一人廣東左翼鎮右翼鎮碣石鎮潮
州鎮高州鎮瓊州鎮各一人廣西左江鎮右江鎮各一
人雲南臨元鎮開化鎮騰越鎮鶴麗鎮昭通鎮普洱鎮
各一人貴州安龍鎮古州鎮鎮遠鎮威寧鎮各一人

各掌其鎮之軍政統轄本標官兵及分防各營協

將弁而受成于提督馬蘭鎮駐遵化州之馬蘭關
本標左右二營同城一營分防三營秦寧鎮駐易
州之梁各莊本標左右二營分防九營宣化鎮駐
宣化府本標中左右三營同城一營分防二協二
十有四營天津鎮駐天津府本標左右二營同城
一營分防二十有二營正定鎮駐正定府本標左
右二營同城一營分防十有一營兗州鎮駐兗州
府本標左右二營分防二協十營登州鎮駐登州

府本標左右前三營分防二協九營太原鎮駐平
陽府本標左右二營同城一營分防一協十有一
營大同鎮駐大同府本標中左右前四營分防一
協三十有一營河北鎮駐懷慶府本標左右二營
分防七營南陽鎮南陽府本標左右二營分防
七營崇明鎮駐崇明縣本標中左右奇兵四營狼
山鎮駐通州本標中左右三營分防五營壽春鎮
駐壽州本標中左右三營分防四營南昌鎮駐南

昌府本標前後二營同城二營分防十有一營南
贛鎮駐贛州府本標中左右三營同城一營分防
十有二營金門鎮駐同安縣本標左右二營海壇
鎮駐福清縣之海壇汛本標左右二營南澳鎮駐
廣東潮州府之南澳兼屬兩廣總督及廣東提督
節制本標左右二營臺灣鎮駐臺灣府本標中左
右三營同城一營分防三協三營福寧鎮駐福寧
府本標中左右三營分防三營汀州鎮駐汀州府

本標中左右三營分防一營建寧鎮駐建寧府本
標中左右三營分防一協一營漳州鎮駐漳州府
本標中左右三營分防七營同城一營黃巖鎮駐
黃巖縣本標中左右三營同城一營分防一協一
營定海鎮駐定海縣本標中左右三營同城一營
分防一協二營溫州鎮駐溫州府本標中左右三
營同城一營分防三協三營處州鎮駐處州府本
標中左右三營分防一協一營衢州鎮駐衢州府

本標中左右三營同城一營分防三協三營襄陽
鎮駐穀城縣本標中左右三營同城一營分防一
協三營宜昌鎮駐宜昌府本標中左前後四營分
防一協三營鎮筰鎮駐辰州府之鎮筰五寨司城
本標中左右前四營分防二協二營永州鎮駐永
州府本標中左右三營分防三營川北鎮駐保寧
府本標中左右三營分防三營重慶鎮駐重慶府
本標中左右三營分防一協五營建昌鎮駐寧遠

府本標中左右三營分防十營松潘鎮駐松潘衛
本標中左右三營分防一協七營延綏鎮駐榆林
府本標中左右三營分防三協二十六營同城一
營興漢鎮駐興漢州本標中左右三營同城一營
分防一協九營河州鎮河州本標左右二營分
防一協十有二營西寧鎮駐西寧府本標中左右
前後五營同城一營分防一協十有二營寧夏鎮
駐寧夏府本標左右前後四營同城一營分防二

協十有一營涼州鎮駐涼州府本標中左右前後
五營同城一營分防一協十有九營肅州鎮駐肅
州府本標中左右三營同城一營分防二協十有
六營巴里坤鎮駐巴里坤城本標中左右三營分防
一協三營左翼鎮駐東莞縣之虎門寨本標中左
右三營分防三協四營右翼鎮駐英德縣本標中
左右三營分防二協二營碣石鎮駐惠州府之碣
石衛本標中左右三營分防一營潮州鎮駐捷勝

所本標中左右三營同城一營分防一協四營高
州鎮駐高州府本標左右二營分防三協八營瓊
州鎮駐瓊州府本標左右二營分防六營廣東又
有南澳鎮兼屬浙閩總督及福建水師提督節制
本標左右二營分防一協二營左江鎮駐南寧府
本標中左右三營同城一營分防三協五營右江
鎮駐泗城府本標中左右三營分防一協三營臨
元鎮駐臨安府本標中左右三營分防二營開化

鎮駐開化府本標中左右三營分防一協一營騰
越鎮駐騰越州本標中左右三營分防二協一營
鶴鹿鎮駐鶴慶府本標中左右三營分防一協一
營昭通鎮駐昭通府本標中左右前四營分防二
營普洱鎮駐普洱府本標中左右三營安龍鎮駐
南籠府本標中左右三營分防四營古州鎮駐古
州本標中左右三營分防二協四營鎮遠鎮駐鎮
遠府本標中左右三營分防二協八營威寧鎮駐

威寧州本標中左右二營分防二營

副將

從二品

直隸督標一人三屯協河屯協山永協河間

協通州協大名協張家口協獨石口協各一人山東文

登協膠州協臨清協沂州協各一人山西蒲州協殺虎

口協各一人江南督標一人江寧城守營京口協安慶

協太湖協各一人江西九江協袁州協各一人福建督

標一人閩安協臺灣協北路協水師協福州城守營興

化城守營延平城守營各一人浙江杭州城守營嘉興

協湖州協紹興協象山協台州協樂清協瑞安協平陽
協金華協嚴州協各一人湖廣督標一人鄖陽協黃州
協施南協長沙協洞庭協永順協辰州協靖州協沅州
協永綏協衡州協寶慶協各一人四川督標將軍標各
一人阜和協夔州協維州協各一人陝西將軍標一人
靖遠協慶陽協潼關協波羅協神木協定邊協漢中城
守營岷洮協各一人甘肅督標一人永固協永昌協中
衛協西大通協金塔寺協西安協瑪納斯協哈密協各

一人廣東督標一人廣州城守營肇慶城守營惠州協
順德協香山協春江協南雄協三江口協龍門水師協
羅定協黃岡協澄海協各一人廣西義寧協平樂協廣
遠協潯州協梧州城守營新太協鎮安協各一人雲南
督標一人曲尋協楚雄協永昌協龍陵協維西協各一
人貴州清江協大定協銅仁協都勻協上江協黔西協
遵義協平遠協定廣協各一人

各掌其分地之軍政以整飭行伍參將以下之在

其分內者胥隸焉凡副將之為總督統理營務者
曰督標中軍副將其為駐防將軍統理營務者曰
將軍標中軍副將為河道總督漕運總督統理營
務及稽核工汎催護漕船者曰河標中軍副將漕
標中軍副將茲河標漕標副將已別具河道漕運
總督篇內故不贅列

歷代建置

謹案總兵之官始於明代前此無聞焉副將之

名惟見于北魏北齊而自隋以後未有置者今
既以古來統軍之將入提督表內因以其副貳
者系之此表以誌沿溯之略而歷代異同因草
則詳具於左云

三代

周禮夏官制軍二千五百人為師師帥皆中大夫
五百人為旅旅帥皆下大夫

謹案州長之職師田行役之事帥而致之則州

長于軍即為師帥也黨正之職師田行役以其
法治其政事則黨正於軍即為旅帥也然師帥
旅帥之制周初已具書之牧誓有千夫長百夫
長孔安國以為千夫長即師帥蓋師雖二千五
百人舉其全數亦得稱千夫長其百夫長孔氏
以為卒帥而鄭康成以全數準之亦即以為旅
帥也要之夏官所云周禮之正法若量時制事
未必盡同齊語二十人為旅鄉良人帥之吳語

百人為行十行一旌十旌一將軍而注引司馬
法曰十人之帥執鈴百人之帥執鐸千人之帥
執鼓萬人之將執大鼓其計人制將皆以什數
固與周禮異矣周之師帥旅帥實統于將軍其
與今之總兵副將統於提督者制亦相近焉

秦

馬端臨文獻通考秦置郡丞以佐守在邊為長史
掌兵馬

謹案秦制郡守治民丞佐之尉典兵而邊郡長
史亦掌兵馬其所以佐守者豈即其所以佐尉
者與秦之行軍亦有長史如司馬欣為章邯長
史見漢書項籍傳則因事而設不為定制

漢

漢書百官公卿表郡有丞邊郡又有長史掌兵馬
秩皆六百石○郡尉典武職甲卒有丞秩六百石
謹案錢文子曰漢邊郡太守置長史一人丞一

人治兵民當兵行長史知郡長史與丞不並置
惟郡尉之丞佐其尉典武職甲卒者乃為一定
之官也

漢書高帝本紀顏師古注張宴曰材官騎士常以
八月太守都尉令長丞會都試課殿最

謹案漢郡守尉行都試之法而丞亦與焉知丞
即不行長史而亦仍佐守典兵馬之事者矣

王應麟玉海漢初軍制主閑廐而名廐將主輜重

而名重將將如林之師而名林將將築城之兵而
名城將弩則有弩將射則有樓煩將騎則有郎騎
將謹畏則謂之慎將勇特則謂之特將車司馬騎
司馬各效其用長隊將二隊將三隊將各因其才
謹案將兵者之稱將自周以前有之而著以為
官名則始見於秦漢之際應麟所列其等第者
各有差次然俱特將者之專號也他如韓信擊
越輔以張耳曹參攻城略地每與淮陰侯俱雖

一時所授不為常秩而置帥有副亦即今副將所托始也

杜佑通典後漢大將軍驃騎將軍車騎將軍衛將軍其領軍皆有部曲大將軍營五部部校尉一人軍司馬一人其不置校尉部但以軍司馬一人其別營領屬為別部司馬

謹案後漢省郡都尉并職太守亦每郡置丞一人其當邊戍者丞為長史王國之相亦如之然

則都尉之丞已隨尉俱廢至諸將軍之號雖不為統兵而設然其營部之校尉司馬亦有似今之總兵副將者故並著之

三國

三國蜀志馬忠列傳丞相亮開府以忠為門下督王平列傳遷後典軍安漢將軍副車騎將軍吳壹住漢中

謹案王平以將軍副吳壹鎮漢中此如今總兵

受提督節制之比至馬忠之為開府門下督則
當如今督標中軍副將之比也

三國志甘寧列傳拜折衝將軍為前部督受敕出
斫敵營乃酌酒與其都督潘璋列傳拜偏將軍領
百校

謹案前部督下有都督此猶今總兵下之有副
將而偏將軍者則正如今副將之比也

晉

晉書職官志假節為都督者所置與四征鎮加大將軍不開府為都督者同

謹案晉驃騎以下及諸大將軍不開府非持節都督者置司馬一人若陶侃傳侃都督江州增置左右長史司馬蓋異數也其後侃既遜位以後事付右司馬王愆期加督護統領文武知督護乃隨時權設之號而司馬亦如後漢大將軍營之軍司馬矣又張實傳有太府司馬韓璞胡

三省曰張氏保據河西有太府司馬太府少府
主簿等官蓋都督府為太府涼州府為少府也
晉書職官志武帝置南蠻校尉于襄陽西戎校尉
于長安南夷校尉于寧州元康中護羌校尉為涼
州刺史西戎校尉為雍州刺史南蠻校尉為荊州
刺史江州省南蠻校尉尋又置于江陵改南夷校
尉曰鎮蠻校尉安帝時于襄陽置寧蠻校尉武帝
又置平越中郎將居廣州

謹案晉護羗等校尉多領以刺史然其秩較卑
司馬太守亦得兼之如朱燾以輔國司馬為南
蠻校尉庾翼以西陽太守遷南蠻校尉領南郡
太守文處茂以涪陵太守進輔國將軍西夷校
尉巴西梓潼二郡太守是也其官頗近今之副
將故著之又晉有西蠻校尉當為益州刺史觀
毛寶傳載其子穆之朱序傳載其父燾所歷職
皆西蠻校尉益州刺史可見此亦疑即西夷校

尉之互名而志俱不及之疎矣

晉書王恭列傳遣牢之率帳下督顏延先據竹里
謹案帳下督蓋如今之督標中軍副將也

宋齊梁陳

宋書百官志江右以來諸公領兵者置司馬一人
宋書明帝本紀出為使持節都督徐兗二州豫州
之梁郡諸軍事鎮北將軍徐州刺史又徙為都督
雍梁南北秦四川郢州之竟陵諸軍事寧蠻校尉

雍州刺史持節常侍將軍如故

謹案宋諸蠻夷校尉大約一如晉制其南蠻校尉孝建中省而護羌及西夷校尉皆不見于志至寧蠻校尉志云晉武帝置與晉志所云安帝置者亦稍不同

南齊書豫章王嶷列傳為都督荆湘八州諸軍事南蠻校尉荆湘二州刺史晉宋之際刺史多不領南蠻別以重人居之至是有二府

謹案齊制凡蠻夷校尉或多領以太守惟護三
巴校尉後改刺史其餘則猶是晉宋之舊也梁
陳無所改作故不脩列

北魏

魏書穆罷列傳除虎牢鎮將轉吐京鎮將陸侯列
傳拜離石鎮將李恢列傳拜員外散騎常侍安西
將軍長安鎮副將李元茂列傳除彭城鎮副將
北齊書竇泰列傳神武為晉州請泰為鎮城都督

參謀軍事韓軌列傳神武鎮晉州引為鎮城都督
仍督中軍庫狄盛列傳為高祖親信都督累加中
軍將軍為豫州鎮城都督步大汗薩列傳為秦州
鎮城都督劉豐列傳魏永安初除靈州鎮城大都
督

周書于謹列傳太祖臨夏州以為防城大都督兼
夏州長史獨孤信列傳建明初為荊州新野鎮將
帶新野郡守尋遷荊州防城大都督帶南鄉守楊

寬列傳父鈞北道大行臺恒州刺史懷朔鎮將

謹案魏高陽王澄以北邊鎮將選舉彌輕奏求
重鎮將之選蓋魏之鎮將下鎮大將一等鎮副
將又下鎮將一等蓋正如今之總兵副將其鎮
城都督當如今之副將而鎮城大都督則亦總
兵之比也又齊書堯雄傳擒梁鎮將苟元庶知
南朝亦有鎮將矣

北齊書任胄列傳胄解郡為都督高祖以晉州重

要留清河公岳為行臺鎮守以胄隸之

周書賀拔岳列傳爾朱天光為使持節督二雍二岐諸軍事驃騎大將軍雍州刺史以岳為左大都督又以征西將軍侯莫陳悅為右都督並為天光之副

謹案任胄為都督隸行臺高岳侯莫陳悅為右都督副節將爾朱天光正如今總兵之屬總督也

北齊

隋書百官志後齊三等諸鎮置鎮將副將

謹案齊之鎮將副將蓋悉仍魏制若趙郡王叡
領山東兵數萬監築長城其還也部分營伍督
帥監領強弱相持則其軍官之差次亦大略可
見矣

後周

通典後周有大都督帥都督都督

謹案後周改都督諸軍為總管則總管為都督之任而又有大都督帥都督都督蓋俱為統軍之官而下於總管者正如今總兵副將俱下於提督也

隋

隋書百官志舊有兵處則刺史帶諸軍事以統之至是別置都尉副都尉都尉正四品領兵與郡不相知副都尉正五品

謹案隋煬帝定令改大都督為校尉帥都督為
旅師都督為隊正知周時都督之名固已微矣
若郡有兵處別置都尉副都尉領之雖品秩較
卑亦略與今總兵副將相仿也

隋書觀王雄列傳雄弟達拜給事黃門侍郎時吐
谷渾寇邊詔上柱國元楷為元帥達為司馬蜀王
秀列傳大將軍劉噲之討西爨也高祖令上開府
楊武通將兵繼進秀使嬖人萬智光為武通行軍

司馬

謹案行軍司馬之官始此至唐而始有員額蓋
即漢之軍司馬也

唐

新唐書百官志節度使行軍司馬副使各一人

謹案唐之行軍司馬掌弼戎政居則習蒐狩有
役則申戰守之法器械糧糒軍籍賜予皆專焉
本軍節使有闕亦以次升授如閫巨源以勝州

刺史攝振武行軍司馬屬其帥范希朝入覲遂
代為節度陸長源為宣武軍行軍司馬汴州政
事皆決斷之後代董晉知留後事則其職正如
今之總兵而副使正如今之副將也若節度副
大使當時號為儲帥藩鎮之專橫者每以授其
子其甫除方鎮而未賜旄節者亦或稱副大使
則非其例矣又唐制凡元帥都統俱有行軍司
馬如鄭畋為京城四面諸軍行營都統以前朔

方節度使唐宏夫為行軍司馬然兵罷則省非定制也

舊唐書職官志諸鎮上鎮將一人正六品下鎮副一人正七品下中鎮將一人正七品上鎮副一人從七品上下鎮將一人正七品下鎮副一人從七品下

謹案唐諸鎮凡上鎮二十中鎮九十下鎮一百三十五皆為防邊而設其將副秩亦較卑然原

其設官則本於曹魏四鎮將軍之名而與北魏所稱鎮將者其職守略同又列鎮分等差殆亦如今各鎮各協之別故並著於此

五季

新五代史盧文進列傳莊宗弟存矩為新州團練使統山後八軍王殷列傳遷靈武馬步軍都指揮使安重榮列傳父全勝州刺史振武馬步軍都指揮使重榮為振武巡邊指揮使

謹案五季時之統兵官大率為行軍而設非有
定員若新州團練使之統山後軍以及靈武振
武之都指揮使則亦有似今之鎮守協鎮者矣

宋

宋史職官志路分都監掌本路禁旅屯戍邊防訓
練之政令以肅清所部

謹案宋建炎三年以要郡守臣帶本路兵馬都
監武臣一員充副都監紹興三年罷守臣兼兵

職而副都監如故則各路分之都監副都監亦
如今總兵副將之比也

章如愚山堂考索都鈐轄副鈐轄宋以朝官及諸
司使以上充或一州或一路或兩路三路亦有無
都字者建炎中要郡守臣兼兵馬鈐轄以武臣為
副改諸路都監為副鈐轄紹興中守臣罷兼兵職
副鈐轄改為路分都監

謹案宋統兵之官興罷不常其名號亦糅雜今

參考諸書知都鈐轄即守臣之帶兵馬都監者
副鈐轄即各路分之副都監而守臣罷兼兵職
後之設官專與兵職者蓋自副鈐轄改為路分
都監始惟各路分之都監止一人而猶仍副都
監之名不可解也

遼

遼史百官志南面軍官諸軍兵馬都總管府某兵
馬副總管同知某兵馬事

金史百官志卷五十五
謹案遼北面上京路控制諸奚有諸軍都虞侯
司官曰都虞侯亦今總兵鎮守邊塞者之比附
著於此

金

金史百官志諸總管府同知都總管一員從四品
掌通判府事副都總管一員正五品所掌與同知
同○統軍司副統軍一員正四品

謹案金諸邊將正將常提控部保將輪番巡守

邊境副將部將輪番巡守邊境其統轄與內地之將副同

元

元史百官志宣尉使司都元帥府同知二員副使二員都元帥府副元帥二員

明

明史職官志都指揮使司都指揮同知二人從二品都指揮僉事四人正三品

謹案都指揮同知為都指揮使之貳有如今之
總兵則其僉事亦副將之比歟

明史職官志總兵官副總兵無品級無定員總鎮
一方者為鎮守獨鎮一路者為分守又有提督提
調巡視備禦領班備倭等名凡總兵副總兵率以
公侯伯都督充之其總兵挂印稱將軍者雲南曰
征南將軍大同曰征西將軍湖廣曰平蠻將軍兩
廣曰征蠻將軍宣府曰鎮朔將軍甘肅曰平羌將

軍寧夏曰征西將軍交趾曰副將軍

徐學聚國朝典彙作平夷

副將

延綏曰鎮西將軍其在薊鎮貴州湖廣四川

及僱運淮安者不得稱將軍挂印宣德間又設山

西陝西二總兵嘉靖間分設廣東廣西貴州湖廣

二總兵為四改設福建保定副總兵又添設浙江

總兵萬厯間又增設於臨洮山海天啟間增設登

萊至崇禎時益紛不可紀而位權亦非復當日○

鎮守薊州總兵官一人舊設隆慶二年改為總理

練兵事務兼鎮守駐三屯營協守副總兵三人鎮
守昌平總兵官一人舊設副總兵又有提督武臣

嘉靖二十八年裁副總兵以提督改為鎮守總兵

駐昌平城聽總督節制鎮守遼東總兵官一人舊

設駐廣寧隆慶元年令冬月移駐河東遼適中之

地調度防禦應援海州瀋陽協守副總兵一人遼陽

副總

兵舊為分守嘉靖四
十五年改為協守

鎮守保定總兵官一人弘治

十八年初設保定副總兵後改為參將正統九年

復為分守副總兵嘉靖二十年改為鎮守三十年
改設鎮守總兵官萬厯元年令春秋兩防移駐浮
圖峪遇有警移駐紫荆關以備入援鎮守宣府總
兵官一人舊設駐宣府鎮城協守副總兵一人鎮
守大同總兵官一人舊設駐大同鎮城協守副總
兵一人鎮守山西總兵官一人舊為副總兵嘉靖
二十年改設駐寧武關防秋移駐陽方口防冬移
駐偏關協守副總兵一人鎮守延綏總兵官一人

舊設駐鎮城協守副總兵一人鎮守寧夏總兵官
一人舊設駐鎮城協守副總兵一人鎮守甘肅總
兵官一人舊設駐鎮城協守副總兵一人鎮守陝
西總兵官一人舊駐會城後移駐固原分守副總
兵一人鎮守四川總兵官一人隆慶五年添設駐
建武所分守副總兵一人鎮守雲南總兵官一人
舊設駐雲南府鎮守貴州總兵官一人舊設嘉靖
三十二年加提督麻陽等處地方職銜駐銅仁府

鎮守廣西總兵官一人舊為副總兵嘉靖四十五年改設駐桂林府鎮守湖廣總兵官一人舊設嘉靖十年罷十二年復設萬曆八年又罷十二年仍復設駐省城鎮守廣東總兵官一人舊為征蠻將軍兩廣總兵官嘉靖四十五年分設駐潮州府協守副總兵一人提督狼山副總兵一人嘉靖三十七年添設駐通州鎮守江南副總兵一人舊係總兵官駐福山港後移駐鎮江儀真二處嘉靖八年

裁革十九年復設二十九年仍革三十二年改設
副總兵駐金山衛四十三年移駐吳淞鎮守浙江
總兵官一人嘉靖三十四年設總理浙直海防三
五年改鎮守浙直四十二年改鎮守浙江舊駐定
海縣移駐省城鎮守福建總兵官一人舊為副總
兵嘉靖四十二年改設駐福寧州鎮守山東總兵
官一人天啟中增設總督漕運總兵官一人永樂
二年設總兵副總兵統領官軍海運後海運罷專

督漕運天順元年又令兼理河道

謹案明統兵之官專制者曰總兵次曰副總兵其鎮守地方者或遇事增添改革俱本部奏請定奪又如張任學崇禎時巡按河南以諸將不任擊賊上疏請易武階帝壯之下吏兵二部及都察院議諸臣以文吏無改武職者請仍以監軍御史兼總兵事帝不從命授署都督僉事為河南總兵官此一時僅見之事蓋明制凡有事征伐

則命總兵佩將印統兵以出既旋即上所佩將印然多充以勲戚其後由行陣出身者或以都督等官擢任兵事其勞效可紀者亦間不乏又迨其季而臨陣縮朒避賊不擊甚有糜餉玩寇以邀封賞者則軍實替而軍政隳亦非盡由初制之未善也我

國家軍營之制既設提督以統錄旗官兵而總兵副將亦各有專閫之寄協守之責凡有

簡授必慎擇其人

皇上又以向之記名副將請升總兵者多由侍衛章
京滿州人員保送而鑾儀衛之滿州漢軍人員
又有應升總兵定額者是以所用於旗員較多
乃


特命兵部定為限制析其額數以旗員漢人銓次補
用俾澄叙一歸大公又

命各省總督及兼管提督之巡撫於漢人副將內舉

其堪勝總兵者書其考語送部引

見於此見立法求才其難其慎而所以飭營伍重保障之

盛心萬古為昭矣



欽定歷代職官表卷五十七

欽定四庫全書

史部

欽定歷代職官表卷五十八

主事臣陳若霖覆勘

纂修兼校勘翰林院編修臣馮集梧

謄錄監生臣范沅

欽定四庫全書

欽定歷代職官表卷五十八

參將遊擊等官表

參將遊擊

三

秦

漢

後漢

三國

晉

宋

魏

北齊

後周

隋

唐

宋

遼

金

元

明

周

秦

漢

後漢

三國

晉

宋

魏

北齊

後周

隋

唐

宋

遼

金

元

明

行司馬

騎將

蜀

西

中

都

統

軍

馬

使

兵

將

馬

都

官

兵

馬

將

軍

叅將遊擊等官

國朝官制

叅將

正三品

直隸八人山東九人山西十有四人河南五

人江南十有一人江西六人福建十有四人浙江七人

湖廣十有三人四川八人陝西九人甘肅十有二人廣

東十有六人廣西六人雲南十有二人貴州七人○游

擊

從三品

直隸二十有三人山東八人山西七人河南三

人江南二十有七人江西六人福建四十有一人浙江

二十人湖廣三十有二人四川二十有二人陝西二十
有八人甘肅四十有三人廣東二十有八人廣西十有
一人雲南十有八人貴州二十有五人○都司正四品直

隸五十有八人山東十有二人山西二十有七人河南
六人江南二十有三人江西二十有四人福建十有七
人浙江二十有五人湖廣二十有一人四川三十人陝
西三十有八人甘肅四十有四人廣東三十有五人廣
西十有九人雲南十有六人貴州二十有二人○守備

正五品

直隸六十有六人山東二十有一人山西二十有
七人河南十有七人江南五十有七人江西十有五
人福建六十有六人浙江五十有三
人湖廣五十有三
人四川四十有二人陝西四十人甘肅六十有九人廣東
八十人廣西三十人雲南四十有七人貴州五十人
營千總六品直隸一百三十有六人山東四十有七人
山西六十有四人河南二十有八人江南一百四人江
西三十有二人福建一百四十有一人浙江一百七人

湖廣一百三十有四人四川一百二人陝西六十有三
人甘肅一百三十有七人廣東一百七十人廣西六十
有七人雲南九十有七人貴州一百十有六人○把總

正七
品

直隸三百十有四人山東一百人山西一百三十
有七人河南六十有一人江南二百十有七人江西九
十有四人福建二百八十有三人浙江三百九人湖廣
二百七十人四川一百九十有九人陝西一百四十有
三人甘肅二百九十有八人廣東三百二十有四人廣

西一百八十有一人雲南三百一人貴州二百三十有
三人

各掌其防汛之軍政練飭營伍以聽於其長凡叅
將之為提督及巡撫統理營務者稱提標若撫標
中軍叅將游擊之為總兵統理營務者稱鎮標中
軍游擊都司之為副將統理營務者稱協標都司
其叅將以下為河道總督漕運總督所屬并各門
衛守禦所官俱散見各表此不贅入又直隸設有

外委把總三百二十有九人山東一百二十人山西二百十有八人河南六十有七人江南三百三人江西九十有四人福建四百六十有三人浙江三百九人湖廣二百七十人四川二百九十有四人陝西二百六十有二人甘肅四百六十有五人廣東三百九十有四人廣西一百八十有一人雲南三百一人貴州二百六十有一人并著於此

歷代建置

謹案叅將以下等官稱號名秩並自明始定前此惟漢有游擊將軍之稱而統兵專征其職頗重與今制不同叅將併無其名惟蜀志諸葛亮以馬謖為叅軍當為後世叅軍之號所由昉而亦不以將稱至都司守備千總把總之稱創自明初前無所因而今之都司與明都指揮司又不同茲故取歷代以來職任相近者各為比附以見梗概云

三代

周禮夏官制軍百人為卒卒長皆上士二十五人為兩兩司馬皆中士五人為伍伍皆有長

謹案族師之職作民而師田行役則合其卒伍簡其兵器以鼓鐸旗物帥而至則族師於軍固為卒長推此而閭胥之為兩長比長之為伍長可知後世之偏裨牙將分領卒伍者實權輿於此矣

國語齊語制國五家為軌故五人為伍軌長帥之
十軌為里故五十人為小戎有司之所乘里有司
帥之四里為連故二百人為卒連長帥之十連為
鄉故二千人為旅鄉良人帥之

謹案齊制二百人為卒與周禮之百人為卒不
同而因人置帥衆寡以等則正如今千總把總
之比矣

春秋左氏傳晉蒐於綿上新軍無帥使其什吏率

其卒乘官屬以從於下軍孔穎達疏什吏謂十人
長使其軍內十人之長率其步卒車士與其新軍
官屬軍尉司馬之類以從于下軍

謹案周書大聚云五戶為伍以首為長十人為
什以年為長尉繚子云軍中之制五人為伍十
人為什五十人為屬百人為閭而晁錯亦云古
之制邊縣以備敵使五家為伍伍有長十家一
里有假士四里一連連有假五百十連一邑

邑有假候皆擇其邑之賢材有護習地形知民心者居則習民於射法出則教民於應敵凡所云皆以十為數則晉之軍制當亦十人置吏也

秦

馬端臨文獻通考秦法凡戰獲一首賜爵一級皆以戰功相君長

漢書刑法志秦使民以功賞相長五甲首而隸五家錢文子補漢兵志更卒曰踐更秦爵不更不為更

卒左右不更主領更卒其番上尉主之

謹案秦爵自左庶長以上至大庶長皆卿大夫
皆軍將也所將皆庶人更卒故以庶更為名大
庶長即大將軍也左右庶長即左右偏裨將軍
也若不更主領更卒番上則尉主之其職當在
郡尉之下或即如今守備千總之屬也

漢

漢書韓信列傳令其裨將傳餐彭越列傳令校長

顏師古注一校之長也

吳王濞列傳諸賓客皆得為校尉行

間候司馬

注在行間或為候或為司馬也

陳平列傳平為亞將屬

韓王信軍廣武周勃列傳材官引強

注服虔曰能引強弓弩官

也孟康曰如今挽強司馬也

灌嬰列傳漢王擇軍中可為騎將

者皆推故秦騎士李必駱甲今為校尉可為騎將

迺令李必駱甲為左右校尉將郎中騎兵所將卒

得右司馬騎將各一人

注晉灼曰下所謂左右千人之騎

靳歙列

傳騎千人將

注如淳曰騎將率號為千人漢儀注邊郡置部都尉千人司馬候也

所

將卒得車司馬候各四人騎長十二人申屠嘉列傳以材官蹶張遷為隊帥陸賈列傳使一偏將將十萬衆臨越霍去病列傳去病騎兵車重與大將軍軍等而亡裨將悉以李敢等為大校當裨將趙充國列傳以假司馬從貳師將軍辛慶忌列傳少以父任為右校丞

謹案漢郡國之兵屬都尉中尉而令丞尉亦各統其縣然令丞尉究非主兵之官故摭見於傳

者以著其概蓋亞將騎將行司馬及車司馬當
如今之叅將遊擊之比隊帥或分統材官者當
如今都司守備之比其材官挽強亦當就材官
中拔取與校長校丞候俱如千總把總之比而
裨將偏將大校校尉則固其渾舉之號爾

漢書武帝本紀遊擊將軍韓說步兵三萬人出五
原蘇建列傳以衛尉為遊擊將軍

謹案遊擊之號始見於此其後歷代有之至唐

以為從五品下武階其與今之遊擊設有員額者正復不同

後漢書百官志大將軍營五部部下有曲曲有軍候一人比六百石曲下有屯屯長一人比二百石其不置校尉部但軍司馬一人又有軍假司馬假候皆為副貳其餘將軍置以征伐無員職亦有部曲司馬軍候以領兵其職吏部集各一人總知營事兵曹掾史主兵事器械稟假掾史主稟假禁司

又置外刺刺姦主罪法

謹案春秋時晉有元候候奄候正漢制餘將軍
或有候亦有假候不必大將軍始有也候比六
百石當如今都司守備之比其屯長則千總把
總之比又漢末有梯秋屯帥張宣見裴松之所
引英雄記其亦屯長之屬歟

後漢書耿弇列傳光武見弇等皆以為偏將軍使

還領其兵加況

耿弇父

大將軍興義候得自置偏裨

謹案大將軍得自置偏裨此一時權宜之事然亦見當時上下相承之制也

三國

三國蜀志馬謖列傳諸葛亮以謖為叅軍王平列傳拜牙門將裨將軍屬叅軍馬謖先鋒

謹案漢制大將軍府有從事中郎二人職叅謀議此叅軍之名所自昉也然當軍行亦為統兵之官則今之叅將其亦本諸此歟

裴松之三國志注魏略曰郝昭入軍為部曲督

三國魏志三少帝本紀散將王起為部曲將李典
列傳太祖以典為裨將軍樂進列傳為軍假司馬
于禁列傳太祖使禁別將屯原武遷裨將軍徐晃
列傳拜裨將軍又拜偏將軍

謹案徐晃以裨將軍進偏將軍則此時之裨將
軍當自為官秩或如今都司守備之比其部曲
督當亦如都司守備而部曲將則正如千總把

總也至若別將乃別為一軍如所謂異軍特起者然其後亦遂為官號則亦如都司守備之比歟

三國吳志三嗣主列傳使察戰到交趾裴松之注
察戰吳官號

謹案察戰之官惟見於此疑亦如監軍之類故
附著之

晉

司馬光資治通鑑西戎校尉司馬閭續胡三省注
武帝置南蠻校尉於襄陽西戎校尉於長安南夷
校尉於寧州各有長史司馬

謹案晉西戎等校尉太守及督府司馬皆得兼
之則其為校尉之司馬者或如今叅將遊擊之
比也

晉書劉宏列傳宏遣南蠻長史陶侃為大都護叅
軍蒯恒為義軍督護牙門將皮初為都戰帥

謹案督護之號蓋創制於此時而牙門將及都戰帥則又略如叅將或都司之屬也

晉書朱伺列傳少為吳牙門將陶丹給使吳平徙江夏為郡將督轉騎部曲督

謹案朱伺以郡將督轉騎部曲督則郡將督當亦如今守備千總之屬也

宋齊梁陳

宋書百官志四夷中郎校尉皆有長史司馬叅軍

宋書謝晦列傳行至安陸延頭為戍主光順之所
執

謹案戍主戍副宋齊以下咸有其官當時又有
防主城主城大戍將諸號蓋俱如今守備千總
之屬也

北魏

魏書穆羅列傳離石都將郭洛頭尉元列傳遣子
都將于沓千劉龍駒等步騎五千將往赴擊太和

初出為使持節鎮西大將軍開府統萬鎮都將二年徵為使持節侍中都督南征諸軍事征西大將軍大都將孔伯恭列傳遣子都將侯汾等率騎五百在水南奚昇等五百餘騎在水北沈文秀列傳為南征都將爾朱天光列傳為都將總統肆州兵馬

謹案尉元以鎮西大將軍為都將又以征西大將軍為大都將似都將即大帥之任然穆羆為

吐京鎮將而離石都將郭洛頭為其所轄至以不能攝下自劾則都將又似較卑周書寇雋傳孝昌中置鹽池都將秩比上郡或亦今叅將之比其子都將據太和十九年詔書與太守並列固即今遊擊都司之屬歟

資治通鑑梁天監六年魏淮陽鎮都軍主常邕和以城來降

謹案三國志張郃傳郃還陽平衆推為軍主諸

將皆受節度蓋代夏侯淵總攝諸軍也若南北朝凡一軍之首多稱軍主其下亦有軍副則軍主之名微矣此云都軍主又當在諸軍主之上疑亦今都司守備之比也

魏書李元茂列傳除振威將軍南征別將趙遐列傳初為軍主景明初為梁城戍主後假平東將軍為別將延昌中假前將軍為別將防捍西荆又為別將隸蕭寶夤東征淮堰劉思祖列傳屢為統軍

南征

謹案北朝多別將之目故摭此數條以著其概
若統軍則行軍之官疑不常置也

北齊書神武帝本紀養於鎮獄隊尉景家長得給
鎮為隊主鎮將段長常竒神武貌慕容儼列傳魏
河間王元琛辟儼左廂軍主梁攻東豫州儼督別
將鄭海珍與戰斬其軍主朱僧珍軍副秦太杜弼
列傳遷北豫州驃騎大將軍府司馬左遷下灌鎮

司馬

謹案杜弼以督府司馬遷鎮司馬則鎮司馬當
如今叅將遊擊之比而隊主或如今千總把總
之屬歟

周書叱羅協列傳魏末冀州刺史以協為統軍委
以守禦賀拔勝列傳父度拔為武川軍主懷朔鎮
將楊鈞召補統軍李標列傳事爾朱榮以兼別將
拜討逆將軍于謹列傳曾祖婆魏懷荒鎮將祖安

定平涼郡守高平郡將謹除積射將軍加別將宇文貴列傳夏州刺史源子雍以貴為統軍後加別將楊忠列傳高祖元壽魏初為武川鎮司馬李崇列傳高仲密為北豫州刺史時東魏遣鎮城奚壽興典兵事仲密但知民務而已

謹案賀拔度拔以軍主補統軍李櫟以兼別將拜將軍于謹以將軍加別將宇文貴以統軍加別將知此時之統軍別將已為一定之號若于

安定為平涼郡守又為高平郡將高仲密為刺史與鎮城奚壽興分典兵民之事則正如今各府之有知府而或又有協守分守之比也以上北齊書周書所列其事皆在魏世故仍著於此

北齊

北齊書祖珽列傳珽乘馬自出令錄事參軍王君植率兵馬仍親臨戰陣

謹案此錄事叅軍乃北徐州刺史屬官也觀此知當時州佐亦間有與統兵之事者矣

後周

周書齊王憲列傳子貴白獸烽經為商人所燒烽帥納貨不言其罪宇文貴列傳蜀多盜貴召任俠傑健者署為遊軍二十四部令其督捕

謹案烽帥之名惟見於此當如今千總把總之比若遊軍捕盜則不過如後世土丁壯丁之校

長隨州縣補署者之類爾

隋

隋書百官志鎮置將副戍置主副其制官屬各立三等之差又置諸防主副官掌同諸鎮

隋書楊處綱列傳授開府督武侯事

謹案開府督武侯當即如前代大將軍營之有軍候而非如當時之所謂左右武侯者也

唐

新唐書百官志節度使同節度副使十人館驛巡
官四人隨軍四人

謹案唐節度使下有副大使有副使又有同節
度副使則同節度副使當如今叅將之比也

舊唐書李光弼列傳河西節度使王忠嗣補為兵
馬使充赤水軍使王思禮列傳父虔威為朔方軍
將思禮隨節度使王忠嗣至河西與哥舒翰對為
押牙及翰為隴右節度使思禮與中郎周泌為翰

押牙以功除右金吾衛將軍充闕西兵馬使無河
源軍使哥舒翰為元帥充元帥府馬軍都將辛雲
京列傳累官至北京都知兵馬使史憲誠列傳父
周洛為魏博軍校至兵馬大使何進滔列傳父默
夏州衙前兵馬使進滔客于魏委質軍門為衙內
都知兵馬使王重榮列傳為河中馬步軍都虞候
時溥列傳溥徐之牙將詔徵天下兵武寧節度使
支詳遣溥與副將陳璠率師赴難

謹案唐節鎮統兵之官名號不一所云副將當
即同節度副使之屬其馬步軍都虞候馬軍都
將兵馬大使都知兵馬使當如今叅將之比衙
內都知兵馬使當即今之中軍叅將而衙前兵
馬使兵馬使押牙牙將當如今遊擊都司之屬
也

唐六典上戍主一人正八品下戍副一人從八品
下佐一人史二人中戍主一人從八品下史二人

下戍主一人正九品下史一人

謹案唐之鎮將鎮副掌鎮捍防守總判鎮事其戍主戍副所掌與諸鎮略同蓋亦沿周隋以來之舊制而品秩頗卑當亦如今之千總把總矣

五季

舊五代史朱珍列傳以踏白騎士入陳亳間李思安列傳副王虔裕為踏白將

新五代史牛存節列傳梁太祖以為小校遷滑州
牢城過後指揮使梁兵攻鄆存節使都將王言藏
船鄆西北隅濠中王檀列傳為小校遷踏白副指
揮使朱宏昭列傳少事明宗為客將氏叔琮列傳
為梁騎兵伍長王峻列傳漢高祖鎮河東峻為客
將

謹案踏白將副猶漢之所謂材官蹶張也牢城
過後指揮使當如今都司守備之比若客將當

如前代之所謂別將也

宋

王明清揮麈餘話州郡節察防團刺史召居京師
謂之遙授至於一郡則盡行軍制守臣通判名銜
必帶軍州其佐曰簽書軍事及節度觀察軍事推
官判官之名雖曹掾悉曰叅軍著其實於一州官
吏使知一州以兵為本咸知所先也

謹案宋諸路置總管鈐轄都監監押為將帥官

凡州縣有兵馬者其長吏未嘗不兼同管轄蓋知州即一州之將知縣即一縣之將也其後分河北等路諸軍若干人為一將別置將官使之專功訓練而逐州總管以下及諸州知縣皆不得闕預軍旅之事矣

宋史職官志諸路將官掌統所隸禁旅律以行陣隊伍金鼓旗幟弓矢擊刺之法而教習訓練之其武藝強者待次遷補以激勸士卒凡兵仗器甲之

數廩祿犒設賞罰約束之禁令皆掌焉副將為之
貳若屯戍防邊則受帥司節制遇寇敵則審其戰
守應援之事

文獻通考熙寧七年始詔總開封府畿京東西河
北路兵分置將副而鄜延環慶涇原秦鳳熙河又
自別將四年詔團結東南路諸軍亦如畿京法總
天下為九十二將鄜延五路又有漢蕃弓箭手亦
各附諸將而統隸焉凡諸路將各置副一人東南

兵三十人以下惟置裨將凡副將皆選內殿崇班
以上嘗歷戰陣者充之亦詔監司奏舉又各以所
將兵多寡置部將隊將押隊使臣各有差又置訓
練官次諸將佐

謹案宋諸路將官專以訓練為職然屯戍防邊
亦有戰守應援之事則其將副當如今叅將遊
擊之比其部將隊將當如今都司守備之比而
訓練官者亦如今千總把總之比也

司馬光傳家集州郡自置將以來每將下各有部隊將訓練官等一二十人而州又自有總管鈐轄都監監押設官重複虛糜祿廩欲乞盡罷諸路將官其禁軍各委本州長吏與總管鈐轄等如未置將以前

謹案宋自司馬光乞罷諸路將官乃稍省諸路鈐轄及都監員仍以將官兼都監職事卒不能盡罷將副其後樞密院復建言往時軍士犯法

許將官一面決遣以故事無留滯自州縣官預
軍事以來動多牽制今後欲仍舊法及諸軍除
轉排補並隸將司州縣毋得輒有所預其非屯
駐所在當俟將副巡歷決之餘則委訓練官行
焉自是總管等官其于所部士卒有不相統攝
殆如路人者而州縣長吏更無論矣

宋史職官志諸軍都統制副都統制渡江後大軍
又有統制同統制副統制統領同統領副統領其

下有正將準備將訓練官部將隊將等名皆偏裨也

謹案宋諸軍統制同統制以下正如今總兵副將以下官之比然宋之屯駐諸州軍其實皆御前軍也故都統制既入提督表內而統制以下則第備著于此云

遼

遼史百官志南面軍官諸軍兵馬都總管府某兵

馬判官

謹案判官在唐為節度使僚屬至宋轉而為府佐在遼則為總管府行軍之官其與今之叅將亦復相近又遼樞密院都統下有監軍行軍時又有監戰又有行軍都監并附著于此

金

金史百官志諸府鎮都軍司都指揮使一員正七品節鎮軍都指揮使則從七品掌軍率差役巡捕盜賊總判軍

事仍與錄事同管城隍軍典二人公使六人凡諸府及節鎮並依此置○諸防刺州軍轄一員掌同都軍兼巡捕仍與司候同管城壁軍典二人○諸府州兵馬鈐轄一員從六品掌巡捕盜賊若有盜則總押隨處巡尉併力擒捕司吏二人京兆咸平濟南鳳翔萊密懿鞏州並依此置惟京兆咸平府置兵馬都鈐轄餘並省

謹案金諸府州指揮使等官所司在巡捕盜賊

元

然各與錄事等同管城隍則亦令城守分汎將
領官之比也又金元帥府自元帥副元帥而下
有左右監左右都監或亦如今左右營之比也
元史兵志國初典兵之官視兵數多寡為爵秩崇
卑長萬夫者為萬戶千夫者為千戶百夫者為百
戶世祖修官制萬戶之下置總管千戶之下置總
把百戶之下置彈壓○至元十五年定軍民異屬

之制先是以李璿叛分軍民為二而異其屬後平江南軍官始兼民職凡以千戶守一郡則率其麾下從之百戶亦然不便至是令軍民各異屬如初制

謹案自宋置諸路將官而軍民各異其屬至元世祖更制而統軍之官與親民之官遂判然不可復合則其由來者漸矣又元以軍官兼民職其與宋之以文臣知軍州者又復不同

明

明史職官志叅將遊擊將軍守備把總無品級無定員獨鎮一路者為分守各守一城一堡者為守備與主將同守一城者為協守鎮守薊州總兵官分守叅將十一人游擊將軍六人統理南兵游擊將軍三人領班游擊將軍七人坐營官八人守備八人把總一人提調官二十六人鎮守昌平總兵官分守叅將三人曰居庸關叅將曰黃花鎮叅將

曰橫嶺口叅將游擊將軍二人坐營官三人守備
十人提調官一人鎮守遼東總兵官分守叅將五
人曰開原叅將曰錦義右叅將曰海蓋右叅將曰
寧遠叅將曰寬奠堡叅將游擊將軍八人守備五
人坐營中軍官一人備禦十九人鎮守保定總兵
官分守叅將四人曰紫荆關叅將曰龍固二關叅
將曰馬水口叅將曰倒馬口叅將游擊將軍二人
坐營中軍官一人守備七人把總七人忠順官二

人鎮守宣府總兵官分守叅將七人曰北路獨石
馬營叅將曰東路懷來永寧叅將曰上西路萬全
右衛叅將曰南路順聖蔚廣叅將曰中路葛峪堡
叅將曰下西路柴溝堡叅將曰南山叅將游擊將
軍三人坐營中軍官二人守備三十一人領班備
禦二人鎮守大同總兵官分守叅將九人曰東路
叅將曰北東路叅將曰中路叅將曰西路叅將曰
北西路叅將曰井坪城叅將曰新坪堡叅將曰總

督標左掖叅將曰威遠城叅將游擊將軍二人入
衛游擊四人坐營中軍官二人守備三十九人鎮
守山西總兵官分守叅將六人曰東路代州左叅
將曰西路偏頭關右叅將曰太原左叅將曰中路
利民堡右叅將曰河曲縣叅將曰北樓口叅將游
擊將軍一人坐營中軍官一人守備十三人操守
二人鎮守延綏總兵官分守叅將六人曰孤山叅
將曰東路右叅將曰西路左叅將曰中路叅將曰

清平叅將曰榆林保寧叅將游擊將軍二人入衛
游擊四人守備十一人坐營中軍官一人鎮守寧
夏總兵官分守叅將四人曰東路右叅將曰西路
左叅將曰靈州左叅將曰北路叅將游擊將軍三
人入衛游擊一人守備三人備禦領班二人坐營
中軍官二人管理鎮城都司一人領班都司二人
管理水利屯田都司一人鎮守甘肅總兵官分守
叅將四人曰莊浪左叅將曰肅州右叅將曰西寧

叅將曰鎮番叅將游擊將軍四人坐營中軍官一人守備十一人領班備禦都司四人鎮守陝西總兵官分守叅將五人曰河州叅將曰蘭州叅將曰靖寇叅將曰陝西叅將曰階文西固叅將游擊將軍四人坐營中軍官二人守備八人鎮守四川總兵官協守叅將二人曰松潘東路左叅將曰松潘南路右叅將游擊將軍二人守備六人鎮守雲南總兵官分守叅將三人曰臨元叅將曰永昌叅將

曰順蒙叅將守備二人巡撫中軍坐營官一人鎮
守貴州總兵官分守叅將二人曰提督清浪右叅
將曰提督川貴迤西左叅將守備七人巡撫中軍
官一人鎮守廣西總兵官分守叅將五人曰潯梧
左叅將曰柳慶右叅將曰永寧叅將曰思恩叅將
曰昭平叅將守備三人坐營官一人鎮守湖廣總
兵官分守叅將三人曰黎平叅將曰鎮筸叅將曰
鄖陽叅將守備十一人把總一人鎮守廣東總兵

官分守叅將七人曰潮州叅將曰瓊崖叅將曰雷
廉叅將曰東山叅將曰西山叅將曰督理廣州海
防叅將曰惠州叅將練兵游擊將軍一人守備五
人坐營中軍官二人把總四人提督狼山副總兵
分守叅將二人曰徐州叅將曰金山叅將游擊將
軍一人守備六人鳳陽軍門中軍官一人把總十
三人鎮守浙江總兵官分守叅將四人曰杭嘉湖
叅將曰寧紹叅將曰溫處叅將曰台金嚴叅將游

擊將軍二人總捕都司一人把總七人分守江西
叅將一人曰南贛叅將守備四人把總六人鎮守
福建總兵官分守叅將一人曰南路叅將守備三
人把總七人坐營官一人鎮守山東總兵官備倭
都司一人領薊鎮班都司四人又河南守備三人
領薊鎮班都司四人

謹案明總督漕運總兵官下有協同督運叅將
把總等官茲已入漕運總督篇內故不贅列蓋

明制自京師達于各府州縣皆立衛所外統之都司內統于五軍都督府凡有征伐則命將統總兵官調衛所軍領之其號令總兵官告都指揮都指揮告指揮指揮告千戶千戶告百戶百戶告總旗總旗告小旗小旗告軍士其初雖叅將游擊把總亦多有充以勦賊都督等官者迨其後而軍官屢增軍實益替馴至末造則猛將疲于援勦懦弁虛糜餉糈而國勢遂不可復支

蓋法久必敝亦特制法者之有以善其用也我
朝加意軍政凡一營一旅之寄亦必量材除授
皇上又諄諭各提鎮大員俾以時考核其屬以飭勵
士伍統攝聯絡武備整肅真萬年治安無弊之
道而豈漢唐以來所能比絜于萬一者乎

欽定歷代職官表卷五十八